

# Mbeti nœ Jake Tshatshu o'o

Asœke kœdœ mbeti á Jake sú. Anga azu gbe adœke Jakenœ asœ kœdœ lima aya Yisu. Mbeti nœ ye sœ kœmi upu fœ agbolo nœ Ndjaba para kœkœ á endje kurutshelœtœ endje lœ ogo djezœ.

Jake sœ kœmi upu fœ ayindœ Yisu tœ otshœ endje ugurutœ endje œdœ ugurutœ ayingba Yisu. Tshe pa adœke kœwusœtœ to ba ndœ Ndjaba yé œ li adœke azu yœndœ nœ dœ kœyindœrœ kœ. Œ li ndje adœke kœyindœrœ sœ kœmatœ ye dœ akwa, kashe œ kœsœsœ ata nene, œ tshu ye.

Ga panœ, tshe mi o'o tœ upu nœ oyo œdœ kœgbœrœ, kœli ga lœ o'o œdœ kœwu lœsu azu, kœke azu lœ angbœtœ, aayi kœgbœrœ á endje lœ kœembœrœ œrœ kanga fœ ayi akwa nœ endje, o'o tœ upu nœ kœru lœsu, kœshi gbi lœ avwala œdœ kœkotœ azœ mi anga azœ lœ ishiri.

## **Mbetinœ kurutshelœtœ ye atake:**

- Abala (1.1)
- Kœyindœrœ œdœ kœwusœtœ (1.2-18)
- Kœkate o'o ama Ndjaba œdœ kœembœrœ œneke á o'o ama Ndjaba sœ kœpa tœnœ (1.19-27)
- A kukurutshelœ azu nene (2.1-13)
- Kœyindœrœ œdœ kœembœrœ otshœrœ (2.14-26)
- Kœwusœtœ œdœ kœpa o'o (3.1-18)
- Kœsœ dœ lœsu nœ œrœ tshapashœ gaga nene (4.1-5.6)
- Ugu lœsu œdœ avwala (5.7-20)

### *Abala*

<sup>1</sup> Abala nœ 'e dœ azu tshelœ mara ndjokpa dœ bisha nœ Ayuda, á 'e ndjõtshelœtœ 'e lœ ogo djezœ. Œmœ Jake, ayi akwa nœ Ndjaba œdœ Gbozu Yisu Kristu, mœ sœ kœsu mbetinœ asœke fœ 'e.

### *O'o tœ upu nœ kœru lœsu*

<sup>2</sup> Aaya mœ, œdœ tshelœ áká œgbœ o'o kœ kœsœ kœena ga tœ 'e, 'e sœ dœ yanga waa mbœrœ tœnœ.

<sup>3</sup> Gbambanœ nene, 'e wusœ nœ adœke lœkœ á 'e kœeli ga lœ œgbœ o'o, á kœyindœrœ nœ 'e kœsœpe sheko ga ndœ Yisu, œ mbœrœ adœke 'e shi gbĩ lœ nœ yé 'e yo nene.

<sup>4</sup> Kashe œ li adœke kœshi gbĩ nœ 'e gerœ yeka á mara kœmbœrœtœ 'e kœsœ tœ œtshœnœ lœ œrœ kœ, yekane anga œrœ bale kœroro 'e nene.

<sup>5</sup> Œdœ anga uzu bale ugurutœ 'e kœgugu dœ kœwusœtœ nene, œ li adœke tshe yœndœ nœ 6a ndœ Ndjaba á tshe kœto fœ she. Gbambanœ nene, Ndjaba sœ dœ ayo waa lœ mara kœto dœ œrœ fœ azu para kœkœ dœ œtshœ lœsu œdœ dœ kœgbagbara osho nene.

<sup>6</sup> Œ li adœke uzu e osho ndœ nœ dœ kœyindœrœ, kashe dœ sharapu nene, mbœrœ ayi sharapu sœ 6ata loko á yugu œ ivwi na tœnœ tœ osho kœ.

<sup>7</sup> Uzu ataa gbegbe adœke œne œ gbœ œrœ bale 6a ndœ Gbozu nene.

<sup>8</sup> Mbœrœ adœke gbetshelœ nœ ye sœsœ bale nene yé tshe kaka kpiri lœ awa nœ ye nene.

### *Ayi oyo dœ ayi kœgbœrœ*

<sup>9</sup> Kaka adœke gbolo nœ Ndjaba á tshe kœdœ ayi oyo donga tœ ye tœ œneke á Ndjaba œ ti she ga lafo,

<sup>10</sup> yé tsheneke á sthe kœdœ ayi kœgbœrœ donga tœ ye tœ œneke á Ndjaba œ ku she ga ati ascœmœ. Gbambancœ nene, œndœ ayi kœgbœrœ œ di nene mbœrœ tshe sœ b̄ata aya ɔyɔ tshelœ kpagagasho.

<sup>11</sup> ɔlɔ œ tɔ vwege vwege, œ ɔrɔ ɔyɔnœ, ndɔkɔnœ œ yo ga ati yé modonœ œ ka. Awa bale b̄ata anga ɔlɔ bale ayi kœgbœrœ œ ndi bala lœ ama akwa nœ ye kɔ.

*Ndjaba vwavwa uzu ndœ kœmbœrœ ekperœ nene*

<sup>12</sup> Uzu á tshe wusœ kœru l̄osu ye lœ ɔgbɔ o'o, œshe kœdœ uzu nœ yanga. Gbambancœ nene, manda kœma kœru l̄osu nœ ye lœ ɔgbɔ o'o, Ndjaba œ za soro fœ she b̄ata œrœ tshangba akwa á tshe gumasœ nœ tœ kœto fœ endjeneke á endje yindœ ye.

<sup>13</sup> Ɛ kœsœ adœke l̄osu uzu vwa she ndœ kœmbœrœ ekperœ, adja tshe papa adœke: «Ndjaba dá vwa mœ ndœ nœ» nene. Ndjaba gbege tœ kœmbœrœ ekperœ nene yé tshe vwa vwa ndje uzu ndœ ekperœ nene.

<sup>14</sup> Ogo nœ uzu dœ tœ ye dá mbœrœ adœke l̄osu ye vwa she ga lœ ekperœ.

<sup>15</sup> Manda kœgerœ ekpe ogonœ ascœmœ, ekperœ œ wuta lœ nœ yé œ kœsœ adœke ekperœncœ gerœ yekane á kuzu œ wuta lœ nœ.

<sup>16</sup> Ɛrœ bale fafara 'e dœ aaya mœ á mœ yindœ 'e waa asœke nene.

<sup>17</sup> ɔtshɔ œrœ kɔ á uzu œ gbɔ gbambancœ to ɓa lafo ɓa ndœ Ndjaba ayi kœmbœrœ ɔlɔ, yapu œdœ pe angerepe. Ɓa ndœ ye, tshe yayapatœ ye nene. Ɓa ndœ ye, aya ubu osho gugu nene.

18 Ndjaba yindœ nœ yeka á za soro fœ azœ dœ awa o'o ama ye á dœ adja o'o adœke azœ dœ azu utshunœ ugurutœ œrœ kã á tshe mbœrœ.

*Kœdji o'o ama Ndjaba œdœ kœza ga tœ akwa*

19 E'e dœ aaya mœ á mœ yindœ 'e waa, 'e wusœ nœ kã tœ ɔtshœnœ adœke: Œ li adœke uzu dœ uzu vwara tœ kœdji o'o kashe tœ kœpa o'o katsha katsha dœ pe kœso ókó katsha katsha nene.

20 Gbambanœ nene, uzu á tshe kœsœ dœ ókó, tshe lili tœ kœmbœrœ œneke á sœ ndjii tœ ala Ndjaba nene.

21 Atamœ, 'e katœ œrœ tshula dœ pe ndje kœmbœrœ ekperœ kã ti, yé œ yindœ o'o á Ndjaba za fœ 'e dœ œmã lœsu. Gbambanœ nene, o'onœ li tœ kœshe 'e.

22 Œ li adœke 'e za o'o ama Ndjaba ga tœ akwa, gbetshelœ nœ 'e vwavwa 'e kolœ ndœ kœdjidji nene.

23 Gbambanœ nene, œdœ uzu kœdji o'o ama Ndjaba, á kœzaza ga tœ akwa nene, tshe sœ ßata uzu á tshe sœ kœwu tshatshu ye ßa la wushiri.

24 Yé manda kœwu tshatshu ye, tshe gitœ ye yé œndœ tshatshu ye á tshe wu má ro she ye.

25 Kashe œdœ uzu kœza awa akwa nœ Ndjaba á li tœ kœvwara uzu lœ kána, á yindœ nœ dœ lœsu bale, œdœ œndœnœ kœroro she nene á tshe kœsœ kœdji tœnœ á sœ kœza ga tœ akwa, uzunœ asœmœ œ sœ dœ yanga lœ œrœ nœ ye para kãkã.

26 Œdœ anga uzu kœgbe adœke œne kœdœ ayi kœdonga Ndjaba, á kœwuwusœ kœgbœndœ ama ye nene, gbetshelœ nœ ye sœ tœ kœfara she gbambanœ. Kœdonga Ndjaba nœ ye sœ gbambanœ.

27 Ærœ á Aba azœ dœ Ndjaba yindœ nœ adœke uzu mbœrœ tœ kœdonga œne dœ ɔtshɔnœ dœke: kœgbe dœ ayasuru dœ ayashe koya lœ oyo nœ endje, œdœ ndje pe kœgbɔndœ undu ye lœ ekperœ tshapashɔnœ asœke kɔ.

## 2

### *Adja 'e keke azu ndœ tshatshu endje nene*

1 Aaya mœ, œ kœsœ adœke 'e sœ dœ kœyindœrœ ga ndœ Gbozu nœ azœ dœ Yisu Kristu á tshe sœ lœ mokɔ, adja 'e keke azu ndœ kœwu tshatshu endje nene.

2 'E gbe dœ o'o asœke kane. Ædœ uzu bale kœverœ œrœ kane asœ dœ ɔrœ, á verœ ɔtshɔ lœba á li ga tœ œsœ ngbɔtœ nœ 'e, á anga uzu neke á tshe kœdœ ayi oyo kœverœ agba lœba á li ndje dœ tœnœ,

3 œ kœsœ adœke 'e lisœ ayi kœverœ ɔtshɔ lœbanœ, á pa fœ she adœke: «Æbœ á bœ sœ ke, sœ ga ati kpœke ga tœ ɔtshɔ osho asœke», yé á kœpa fœ ayi oyonœ adœke: «Æbœ asœke, ka dœ ada zœ ba e», too ndje «sœ ga ati, ga tœ ɔshɔ ba tœ osho á mœ ko ada mœ tɔ ga tœ nœ»,

4 œneke á 'e mbœrœ ascœmœ má adœke 'e sœ kœwu tshatshu azu, yé 'e wuta b̄ata azu kœwa o'o á endje wa ngbanga dœ ekpe gbetshelœ.

5 E'e dœ aaya mœ á mœ yindœ 'e waa, 'e dji mœ kane. Ndjaba ke ayi oyo pa ɔshɔ adœke endje sœ tœ ayi kœgbɔrœ lœ kœyindœrœ ga ndœ Yisu yeka á endje kœli ga lœ ogo gbozu á Ndjaba pandœ nœ adœke, œne za fœ azu á endje yindœ œne.

6 Kashe e'e, 'e wuwu ayi oyo lœ ala 'e gbambanœ nene. Azu adœ dá sœ kœembœrœ agbɔ œrœ dœ

kumu 'e a? Adé dá sœ kœna dœ 'e ga utshu ayi kœwa ngbanga a? Æ doédœ ayi kœgbœrœ nene a?

<sup>7</sup> Æ doédœ kolœ endje dá sœ kœndi ɔtshɔ i'iri á Ndjaba za ga pa e'e nene a?

<sup>8</sup> Adja 'e sœ kœmbœrœ dœ ɔtshœncœ œdœ 'e kœsœ kœza awa akwa nœ Gbozu Ndjaba ga tœ akwa. Awa akwanœ á Buku nœ Ndjaba œ pa tœncœ adœke: «Yindœ yanga zœ ɓata á ɓœ yindœtœ zœ dœ tœ zœ.»

<sup>9</sup> Kashe œ kœsœ adœke 'e ke azu mbœrœ kœwu tshatshu endje, 'e sœ kœmbœrœ ekperœ. Ataa, awa akwa nœ Ndjaba yisœ nœ adœke 'e te dœ o'o ye.

<sup>10</sup> Yé uzu á tshe kœza awa akwanœ djigi ga tœ akwa, á kœkatœ angancœ bale, tshe te dœ tœncœ para kœkœ ye.

<sup>11</sup> Gbambancœ nene, uzu á tshe pa adœke: «Adja papara awo uzu too akœ uzu nene», pa ndje adœke: «Adja ɓœ wowo uzu nene.» Æ kœsœ adœke ɓœ papara awo uzu too akœ uzu nene, kashe ɓœ kœwo uzu, ɓœ te dœ awa akwa nœ Ndjaba para kœkœ.

<sup>12</sup> 'E pa o'o, 'e mbœrœtœ 'e ɓata azu á Ndjaba œ wa ngbanga pa endje liaka awa akwanœ á vwara azœ lœ ekperœ.

<sup>13</sup> Gbambancœ nene, Ndjaba œ wu oyo nene œ kœsœ adœke tshe wa ngbanga pa uzu á tshe wuwu ndje oyo azu nene. Kashe kœwu oyo azu ropa kœwa ngbanga ye.

### *Kœyindœrœ œdœ ɔtshɔ akwa*

<sup>14</sup> Aaya mœ, œ kœsœ adœke anga uzu pa adœke œne sœ dœ kœyindœrœ ga ndœ Ndjaba, á tshe kœmbœmbœrœ ɔtshɔ akwa nene, ádá kœyindœrœ

nœ ye sœ zœ doemœ a? Yé kœyindœercœncœ ascœmœ œ she má she kotoo?

<sup>15</sup> Œ kœsœ adœke anga aya 'e too yingɔ 'e, á tshe kœgugu dœ læba kœverœ ga tœ ye nene, too ndje dœ rœgo kœzi ɔɔ dœ ɔɔ nene,

<sup>16</sup> á anga uzu bale ugurutœ e'e kœpa fœ endje adœke: «'E verœ læba izi yé œ gu yé œ zi œrcœ dœ ɔtshɔncœ», kashe 'e toto œrcœ á endje gbe dœ tœncœ fœ endje nene, ataa ádá o'onœ á 'e pa sœ zœ doemœ a?

<sup>17</sup> Œ sœ ndje awa bale mbœrcœ kœyindœercœ ga ndœ Ndjaba. Gbambancœ nene, œ kœsœ adœke uzu sœ dœ kœyindœercœ, kashe tshe kœembœmbœrcœ ɔtshɔ akwa nene, kœyindœercœ nœ ye tshu ye.

<sup>18</sup> Kashe œ kœsœ adœke anga uzu pa adœke: «Œɛœ á ɔœ sœ ke, sœ dœ kœyindœercœ, yé mœ mbœrcœ akwa», mœ gi fœ she adœke: «Ma fœ mœ mara á uzu li kœsœ dœ kœyindœercœ ga ndœ Ndjaba á kœgugu dœ akwa nene, ataa læ awa akwa nœ mœ, mœ ma mara á mœ sœ dœ kœyindœercœ ga ndœ Ndjaba fœ ɔœ.»

<sup>19</sup> Bœ wusœ nœ adœke Ndjaba sœ tshebabale? Tœ ɔtshɔncœ. Kashe ekpe ishiri wu ndje sœ nœ atamœ, yé endje de gbara gbara dœ awa.

<sup>20</sup> Bœ gugu dœ kœwusœrcœ nene. Bœ yindœ nœ adœke mœ ma fœ ɔœ adœke kœyindœercœ á gugu dœ akwa nene sœ gbambancœ a?

<sup>21</sup> Ata azœ dœ Abrayamo wuta lima ɔtshɔ uzu tœ ala Ndjaba mbœrcœ kœembœrcœ ɔtshɔ akwa, á mbœrcœ adœke tshe yi lima ndœ kœza gbolo nœ ye Isaka tœ tokóro fœ Ndjaba.

<sup>22</sup> Wusœ nœ adœke kœyindœrœ œdœ akwa nœ ye na lima awa bale: kœyindœrœ nœ ye wuta dœ ɔtshœnœ mbœrœ akwa á tshe mbœrœ.

<sup>23</sup> O'onœ mbœrœtœ ye ɓata á Buku nœ Ndjaba pa adœke: «Abrayamo yindœ o'o ama Ndjaba yé mbœrœ tœnœ ataa, Ndjaba wu she tœ uzu á tshe sœ ndjii.» Mbœrœ tœnœ atamœ, Ndjaba e she adœke yanga œne.

<sup>24</sup> 'E wusœ nœ adœke, uzu œ wuta ndjii tœ ala Ndjaba mbœrœ kœmbœrœ ɔtshœ akwa, kashe œ sœsœ kolœ mbœrœ kœyindœrœ bale nene.

<sup>25</sup> Œ sœ ndje awa bale tœ upu nœ Rahabe yashe gu ga ati ɓa lœ Yeriko. Œ dœdœ mbœrœ akwa nœ ye dá tshe wuta lima uzu ndjii tœ ala Ndjaba na a? Tshe za lima osho kœsœ fœ ayi avwa nœ Ayuda, á ko endje kpa wuta tœnœ dœ angbi awa.

<sup>26</sup> Bata uzu kœwuwu nene, tshe tshu ye, awa bale œdœ kœyindœrœ nœ uzu kœvwavwa she ndœ kœmbœrœ akwa nene, kœyindœrœ nœ tshu ndje ye.

### 3

#### *Kœgbœndœ tima azœ*

<sup>1</sup> Aaya mœ, adja azu ndjoro ugurutœ e'e yiyindœ nœ adœke œne te aayi kœyisœrœ nene. Gbambœnœ nene, Ndjaba œ wa bala œgbœ ngbanga pa azœ dœ ayi kœyisœrœ, kœropa œnœ udu anga azu.

<sup>2</sup> Azœ kœ, a sœ kœyo tœnœ œlœ dœ œlœ. Œ kœsœ adœke uzu mbœrœ ekperœ lœ o'o á tshe pa nene, uzunœ asœmœ kœdœ ɔtshœ uzu tako. Tshe li ndje kœsœ tœ gbozu tshapa undu ye kœ.



<sup>3</sup> A ko yarakowo ga lœ ama ambarata adœke endje dji azœ, yé a yɔrɔ endje adœke endje na tœ awa á a yindœ nœ.

<sup>4</sup> 'E gbe ndje dœ masuwa: œ sœ tœ egerœnœ gbaa, œdœ ndje ndavuru yugu sœmœ á vwi masuwancœ gbaa, ayi kœgbota tœncœ œ turu kolœ tœ aya yindancœ teasho yekane á fa masuwancœ ngoro ngoro ngoro ga tœ osho á tshe gbe kœfa ga tœ nœ.

<sup>5</sup> Awa bale dœ tima azœ: œtœncœ kœdœ aya œrœ teasho lœ undu uzu, yé œ sœ kœmbœrœ ko ogboro œrœ.

'E gbe dœ aya owo teasho á tetœ egerœ gusu, yé gusunœ œ ju kpa.

<sup>6</sup> Tima kœdœ œrœ kote uzu á sœ b̄ata owo. Œtœncœ kœdœ anda ekperœ. Œ ndi undu azœ dœ uburu yé œ tshi b̄ata owo lifelo. Œ ju uzu kœto b̄a tœ kœzu she œrrr kpa ga tœ kuzu ye.

<sup>7</sup> Uzu kɔ mbœrœ adœke œne dœ gbozu tshapa mara agea kɔ, agea gusu dœ pe ayanu, dœ agea á endje ɔrɔ tœ ɔshɔ, dœ ageatshalangu, yé endje dji she.

<sup>8</sup> Kashe uzu bale lili tœ kœsœ tœ gbozu tshapa tima ye nene. Tœncœ kœdœ ekperœ á uzu lili kœtepa nœ pa ɔshɔ nene, œ suusu dœ ekpe ɔyɔ tœ kœwo azu.

<sup>9</sup> A donga Gbozu á tshe dœ Aba azœ dœ tima azœ, yé œ darandœ azu, á Ndjaba mbœrœ endje b̄ata ishiri ye dœ tœ ye, kolœ dœ tima bale ascœmœ.

<sup>10</sup> Œtshɔ o'o kœdonga dœ Ndjaba ndje dœ ekpe o'o kœdarandœ azu wuta kɔ kolœ ama azœ. Aaya mœ, œ lili adœke œrœ atake mbœrœtœ ye nene.

<sup>11</sup> Adja ɔtshɔ ungu dœ ekpe ungu wuta b̄a lima lœ ogoro bale a?

12 Aaya mœ, ɔyɔ fige zu ele olive yeka œdœ ɔyɔ vinu á zu ele fige ma? Awa bale ungu kœndjoondjo wuwuta lœ ogoro bale dœ ungu ingbirí nene.

### *Kœwusœtœ á to ɓa ndœ Ndjaba*

13 Ædœ ugurutœ 'e kɔ kœdœ uzu kœwusœtœ œdœ kœwusœrœ a? Kaka tshe yisœ nœ lœ awa kœmatœ ye tœ uzu nœ ɔtshɔ ɔtshɔ yé œ mboœrœ akwa nœ ye para kɔkɔ dœ ɔmɔ lœsu œdœ pe kœwusœrœ.

14 Kashe, 'e kœsœ dœ gbetshelœ kœropa anga 'e, á lœsu 'e kœsu dœ ekpe úkú, adja 'e koko ombo ga tœ 'e nene yé œ pa wala dœ i'iri adja o'o nene.

15 Mara kœwusœtœnœ asœke toto ɓa ndœ Ndjaba nene, œ dœ kœwusœtœ tshapashɔ nœ asœke, kœwusœtœ nœ azu, kœwusœtœ á to lœ ekpe ishiri.

16 Gbambanœ nene, úkú œdœ pe kœko ombo ga tœ azu dá sœ kœzu djingili œdœ pe ala ekperœ kɔ.

17 Kashe uzu á tshe sœ dœ kœwusœtœ á to ɓa ndœ Ndjaba, tshe kœdœ uzu nœ œyerœ lœsu, tshe bœbœrœtœ ye nene, tshe sœ dœ ɔtshɔ lœsu, œ sœ ndje dœ lœsu nœ kœdji azu, tshe dœ uzu nœ kœwu oyo anganœ. Tshe kœdœ uzu nœ kœmbœrœ ɔtshɔ akwa, uzu nœ kœwu tshatshu azu nene yé tshe dœdœ wulapatshɔ nene.

18 Azu neke á ndje yindœ kœsœ gee, endje lœ ɓata azu kœdjo kindi á endje gi kœsœ gee dji kpata indiri endje yé ngwarœ á endje rɔ kœdœ soro á sœ ndjii.

## 4

### *Kœyindœ tshapashɔ kœdœ kœyiangba Ndjaba*

<sup>1</sup> Æbœrcœ œdœ pe koshe ugurutœ 'e to kpœta a? Asœmœ kœ to lœ ogo nœ e'e dœ tœ 'e á sœ kœdutorœ endje lœ gbetshelœ nœ 'e asœmœ nene a?

<sup>2</sup> 'E sœ dœ ogo kœgbœ œrcœ kashe 'e gbœ nene yé 'e wuta ayi kœwo azu. 'E sœ dœ úkú mbœrcœ œrcœ ndjoro yé b̄ata á 'e sœsœ kœgbœ œrcœncœ nene, 'e fa ga lœ koshe. 'E gbœgbœ œrcœ á 'e sœ kœpara nene mbœrcœ á 'e ee osho ndœ nœ ga ndœ Ndjaba nene.

<sup>3</sup> Æ kœsœ adœke 'e e osho ndœ nœ ga ndœ Ndjaba, 'e gbœ nene mbœrcœ á 'e sœ kœ'e osho nœ dœ ekpe gbetshelœ; gbambancœ nene, 'e e osho ndœ œrcœ kœ mbœrcœ ogo undu 'e dœ tœ 'e.

<sup>4</sup> 'E sœ kœfara Ndjaba, 'e fatœ 'e b̄ata ayashe angba. 'E wuwusœ nœ nene adœke kœyindœ tshapashœ nœ asœke kœdœ kœyiangba Ndjaba a? Uzu á tshe kœyindœ tshapashœ asœke, tshe wuta ngbewo ayingba Ndjaba.

<sup>5</sup> Buku nœ Ndjaba pa adœke: «Ndjaba sœ dœ úkú waa mbœrcœ ishiri á tshe za ga lœ azœ.» 'E gbe adœke o'onœ asœmœ wuta gbambancœ a?

<sup>6</sup> Kashe Ndjaba sœ dœ œtshœ lœsu ga ndœ azœ kœropa nœ, gbambancœ nene Buku nœ ye pa adœke:

«Ndjaba vwaratœ ye tœ ayengœ egerœ kumu, kashe tshe sœ dœ œtshœ lœsu ga ndœ endjeneke á endje zatœ endje ga ati.»

<sup>7</sup> Atamœ, 'e zatœ 'e ga tœ o'o ama Ndjaba, œ vwaratœ 'e tœ Satana á tshe kœgitœ ye tœ 'e lœ ingirinœ.

<sup>8</sup> 'E gitœ 'e ndo dœ Ndjaba yeka á tshe kœgitœ ye ndje ndœ 'e. E'e dœ azu kœmbœrcœ ekperœ, 'e yapa œtshœ 'e. E'e á 'e sœ dœ lœsu bisha bisha, 'e mbœrcœ adœke 'e wuta dœ lœsu bale.

<sup>9</sup> 'E yindœ nœ adœke 'e doé azu oyo, 'e ki. 'E katœ kœmœtœ 'e yé œ ki doé ngola. 'E katœ kœsœ doé yanga kashe 'e sœ doé oyo.

<sup>10</sup> 'E zatœ 'e ga ati utshu Gbozu yeka á tshe kœti 'e ga lafo.

*Wawa ngbanga pa yanga zœ nene*

<sup>11</sup> Aaya, 'e papa ekpe o'o goro œsœ anga 'e nene. Uzu tsheneke á tshe kœpa ekpe o'o goro œsœ yanganœ too ndje á kœwa ngbanga pa yanganœ, œ sœ бата tshe pa ekpe o'o ga tœ awa akwa nœ Ndjaba too ndje tshe wa ngbanga pa nœ. Œdoe 6œ kœwa ngbanga pa awa akwa, 6œ kœdoe ayi kœwa ngbanga pa nœ kashe 6œ doédœ ayi kœza ga tœ akwa nene.

<sup>12</sup> Gbambanœ nene, Ndjaba bale dá doé ayi kœza awa akwa doé pe ayi kœwa ngbanga, œshe dá li kœshe azu too kœwo endje. Kashe œ6œ kœdoe de yekane á kœwa ngbanga pa yanga zœ a?

*'E katœ kœdonga tœ 'e doé tœ 'e*

<sup>13</sup> 'E dji mœ doé œtshœnœ, e'e doé azu á 'e pa adœke: «Kpœsheke too 6a mbatsha 'a na 6a lakpi asœke, 'a lo 6a zœ ngbugu bale, 'a ka œrœ nœ 'a yé 'a gbœ ngendja.»

<sup>14</sup> Andaa 'e wuwusœ œrœ neke á wuta ga tœ e'e 6a mbatsha nene. 'E sœ бата ngawo á da yé œendœnœ œ di nene yeka á yiwa.

<sup>15</sup> 'E li má kœpa adœke: «Œ kœsœ adœke Gbozu yindœ nœ, á 'a kœsœpe doé soro, 'a mbœrœ œrœ neke, too ndje œneke asœke.»

<sup>16</sup> Kashe ngœngœ asœ, 'e sœ kœdonga tœ 'e tœ œrœ á 'e gbe tœ kœmbœrœ tœnœ. Kœdongatœsho kœ nœ mara asœke sœ tœ ekpenœ.

<sup>17</sup> Atamœ, uzu á tshe wusœ koembœrœ otshœrœ á yiyindœ koembœrœ toenœ nene, sœ koembœrœ ekperœ.

## 5

### *O'o tœ upu nœ aayi kœgbœrœ*

<sup>1</sup> 'E dji mœ dœ otshœnœ, e'e dœ ayi kœgbœrœ: ngœngœ asœ 'e ki, 'e sa rawa mbœrœ oyo á sœ kœkate 'e!

<sup>2</sup> Œrœ nœ 'e á 'e gbœ fu yé akœkœ zi lœba nœ 'e ye.

<sup>3</sup> Œrœ nœ 'e dœ pe kowo nœ 'e ko ngbandji. Ngbandjinœ má fœ 'e adœke 'e ndo tœ kœsho 'e dœ owo. 'E ngbœba kœgbœrœ ndjoro mbœrœ e'e dœ tœ 'e, andaa kœka tshapashœnœ asœke ndo ye.

<sup>4</sup> 'E wu œrœ tshangba akwa kindi á ayi akwa nœ e'e mbœrœ fœ 'e á 'e vwaratœ 'e kœko fœ endje. Œ sœsœ ndjii nene! 'E dji mara á endje sœ kœki toenœ yé Gbozu á tshe sœ dœ gbœgbœ kœ dji iki endje.

<sup>5</sup> 'E gbœ œrœ waa lœ soro 'e pa œshœ yé 'e mbœrœ œeneke á lœsu 'e yindœ nœ. 'E wuta bœta ayarœ ojoro á endje gbœndœ endje tœ kœwo endje.

<sup>6</sup> 'E wa œgbœ ngbanga pa azu, 'e wo endjeneke á endje sœ ndjii tœ ala Ndjaba yé endje vwavwaratœ endje nene.

### *Kœru lœsu*

<sup>7</sup> Atamœ aaya, 'e sœ dœ kœru lœsu œrrr ga tœ kœkwa Gbozu Yisu. 'E gbe dœ kœru lœsu nœ ayi kœedjo kindi: manda kœeni ali yavuru, tshe tœrœ kindi nœ ye. Tshe kate anga yavuru œrrr ga tœ anga osho mbœrœ kœzi ngwarœ kindi nœ ye.

<sup>8</sup> E'e ndje awa bale, œ li adœke 'e sœ dœ koeru lœsu, œ shi gbi tœ lœsu 'e; gbambancœ nene, lœkœ kœkwa Gbozu ndo ye.

<sup>9</sup> Aaya, 'e pupulœma 'e ugurutœ 'e tœ upu nœ anga 'e nene mbœrcœ á endje kœwawa ngbanga pa 'e nene. 'E wu: ayi kœwa ngbanga ka lœ talamanda.

<sup>10</sup> Aaya, 'e mbœrcœ mara œrcœ nœ aayi kœgbara o'o á endje sœ lima kœpa o'o dœ i'iri Gbozu: mara á endje sœ liya kœru lœsu endje lœ œgbœ o'o á sœ lima kœna ga ndœ endje.

<sup>11</sup> 'E wu: a e endje azu yanga mbœrcœ koeru lœsu nœ endje. 'E dji o'o tœ upu kœshi gbi nœ Yobo yé 'e wu œneke á Gbozu mbœrcœ fœ she manda nœ; gbambancœ nene, Gbozu sœ lima dœ ugu lœsu œdœ pe lœsu nœ kœwu oyo.

<sup>12</sup> Kœropa nœ kœ, aaya mœ, adja 'e wawa igi 'e ndje dœ i'iri Ndjaba nene, too dœ i'iri uzu nene, too ndje dœ i'iri anga œrcœ bale nene. Kaka adœke 'e le «Ë» œ kœsœ adœke 'e yindœ o'onœ. Á 'e kœle «œœ» œ sœ adœke 'e vwaratœ 'e tœ o'onœ mbœrcœ adœke 'e tete dœ o'o utshu Ndjaba nene.

### *Kœki fœ Ndjaba*

<sup>13</sup> Æ kœsœ adœke anga uzu bale ugurutœ 'e sœ kœwu oyo, tshe ki ga ndœ Ndjaba. Á œ kœsœ adœke tshe kœsœ dœ yanga, tshe donga Ndjaba.

<sup>14</sup> Æ kœsœ adœke anga uzu bale ugurutœ 'e sœ dœ kœba, tshe e agbozu Ikrizia, yé endje ki fœ Ndjaba tœ ye manda kœta kada ga tœ ye dœ i'iri Gbozu.

<sup>15</sup> Kœki fœ Ndjaba dœ kœyindœrcœ œ she uzu lœ kœba. Gbozu kpa to gbœgbœ fœ she œ iwí she

ga lafo yé œdœe tshe kœembœerœ ekperœ, Ndjaba œ djerœendœ nœ.

<sup>16</sup> Atamœ, œ li adœeke 'e pandœ ekperœ nœ 'e uzu dœ uzu fœ yanga nœ, 'e ki fœ Ndjaba uzu dœ uzu mbœerœ yanga nœ yekane á 'e kœeshe. Gbambanœ nene, ákpálá iki nœ uzu á tshe sœ ndjii fœ Ndjaba li kœembœerœ egerœ akwa.

<sup>17</sup> Eliya kœedœ lima uzu ɓata azœ. Tshe ki fœ Ndjaba dœ lœsu ye bale adœeke, yavuru nini nene, yé œ mbœerœ ngbugu votɔ dœ yapu mindu dœ amanœ bale, yavuru nini pa œshɔ nene.

<sup>18</sup> Manda nœ, tshe kpa ki fœ Ndjaba, ngbewo yavuru ni, yé ele œyɔ ko pa œshɔ.

<sup>19</sup> Aaya, œdœe uzu bale ugurutœ 'e kœedji awa, yé anga uzu kœegi she ga tœ awa,

<sup>20</sup> 'e wusœ nœ adœeke uzunœ á tshe gi ayi kœembœerœ ekperœ lœ ekpe awa, she ayancœ yé Ndjaba œ djerœendœ ukpulu ekperœ nœ ye á tshe mbœerœ ascœmœ.

**TAF0 AYO**  
**The New Testament in the Manumanaw languieg of**  
**Myanmar**

copyright © 2020 Wycliffe Bible Translators, Inc. and ACOTBA-SUBO

Language: Manumanaw

All rights reserved.

2024-07-29

---

PDF generated using Haiola and XeLaTeX on 5 Apr 2025 from source files  
dated 29 Jul 2024

40e3c5cb-c2ea-5cf8-8a40-4c6f77a45343